

ցությունը սերտ մերձեցում էր առաջացնում հայ կալվածատիրութեան և միջնորդ կապիտալի միջև, խտացնում էր առևտրական կապիտալի ներկայացուցիչների շարքերը և ուժեղացնում կապիտալի դերը գավառում:

Սակայն հայ ազնվական հողատերերի մեծագույն մասը շտապեց իր գավակներին տեղավորել գլխավորապես գյուղատնտեսական աշխարհից դուրս պարապմունքների մեջ: Կալվածատերերը առաջիններն էին, որ իրենց երեխաներին ուղարկեցին դպրոցները ուսում ձեռք բերելու համար: Շրջանավարտների մի փոքր հատվածը մտավ զինվորական ծառայության: Այդպիսիները դուրս եկան առավելապես Մելիք-Հայկազյանների և ավելի սահմանափակ չափերով Մելիք-Փարսազանյանների մելիքական հին տներից⁴²: Իսկ ամենամեծ հոսանքը ուղղվում էր դեպի ազատ պարապմունքների ասպարեզը և սարքվում էր որպես իրավաբաններ, ինժեներներ, բժիշկներ, մասամբ պաշտոնեություն մեջ⁴³, մասամբ անկախ և ազատ ասպարեզներում՝ լրացնելով նորակազմ հայ մտավորականության շարքերը: Ազնվական հողատիրութեան այդ անդամները սակայն գրեթե ամբողջովին իրենց ուժերի գործադրությունը գտնում էին ոչ թե Զանգեզուրում, այլ Անդրկովկասի այլ վայրերում, գլխավորապես քաղաքներում, այն է՝ Բաքվում, Տիֆլիսում, մասամբ Շուշում և Գանձակում: Հեղափոխությունը Զանգեզուրում չգտավ ոչ դասակարգային գիտակցություն, ոչ էլ առանձին հատուկ տնտեսական շահերով միավորված հայ կալվածատիրություն, որը և ընդունակ չեղավ որպես առանձին հասարակական խմբավորում ակտիվ մասնակցություն ունենալ հաջորդ իրադարձությունների ընթացքի մեջ: Տեղերում ապրել մնացող կալվածատերազնվականները հարեցին առևտրական կապիտալիստական շերտին: Ավելի կազմակերպված և իր ազգային զանգվածի հետ ավելի շղկապված հանդիսացավ թուրք կալվածատիրությունը: Զինվորական և քաղաքացիական պաշտոնեության, ինչպես և ազատ պարապմունքների մեջ իրենց գավակներին զետեղելու հնարավորությունները ցարական պետական կարգերում առանձնապես գյուրացված էին ազնվական ծագում ունեցողների, շատ ավելի, քան հասարակության այլ խավերի համար: Պետական դպրոցների դռները լայն բացված էին նախ և առաջ ազնվական երիտասարդների, տղաների և աղջիկների առջև, որոնք առաջին հերթին էին ընդունվում այնտեղ: Ճորտատիրության վրա հիմնված ոտուկական իրականության մեջ այլ կերպ չէր էլ կարող լինել: 1860 թ. հունիսի 9-ի օրենքով⁴⁴ գյուրացված էր ոչ միայն զինվորական՝ ենթասպայից սպա դառնալու, այլև քաղաքացիական պաշտոնեության մեջ մելիքների, բեդերի, աղաների գավակների համար բարձր աստիճանների ստացումը: Այդ դյուրությունները կախված էին նրանց ազնվական ծագման անվիճելի լինելու կատեգորիայից:

Երկրորդ կատեգորիայի դյուրությունները տրվում էին նաև հոգևորականների գավակներին: Այս իրավակարգերում նորակազմ ինտելիգենցիան

⁴² Զինվորական ծառայության մտնելու տրամադրությունը ավելի զրտերված էր Լեոնայիճ Ղարաբաղի մելիքական տների մեջ՝ Մելիք-Շահնազարյանների, Դուրխանյանների, Բեղարյանների մեջ:

⁴³ Օրինակ՝ Մելիք-Հուսեյինյաններից տեղում մնացած Մանուշար-բեգը պետական պաշտոնյա էր Ե. Լալայանի հետազոտության թվականներին:

⁴⁴ «II-ое полное Собрание Законов», т. XXXV, № 35, 903. .